

# Papiers

## Papièrs

Quitranava la grand rota  
qu'anava de nuèit en dobte  
fins a la mar benastruga  
que s'i vuèja la ciutat  
a cada estiu agotat  
que la lassièra s'i espluga.

Dins la calor que t'abena,  
obrava sens comptar pena  
per noirir femna e enfant  
amb un salari de res,  
que melhor, n'i auriá pas ges,  
amalgrat tot son afan.

Las vapors l'empoisonavan  
que los palmons li roigavan.  
Mas ço que se l'emportèt  
foguèt pas çò cancerós,  
mas un pensar miserós  
que lo prefècte arrestèt.

Remandat a las termièras  
de carèstias estrangieras,  
dins un avion l'an botat,  
ja que sens papièr anava,  
qu'al faidiment l'assignava  
sens regret ni sens pietat.

Qué vendrà donc lo sieu filh ?  
Un dels nòstres, sens perilh ?

## Papiers

Il goudronnait la grande route  
qui allait de la nuit au doute  
jusqu'à la mer bienheureuse  
où se vide la cité  
lors des étés harassés  
qui y épluchent leur fatigue.

Dans la chaleur qui t'épuise,  
il oeuvrait, sans s'écouter,  
pour nourrir femme et enfant  
avec un salaire infime  
car il n'y en aurait pas d'autre,  
malgré toute son ardeur.

Les vapeurs l'empoisonnaient  
et dévoraient ses poumons.  
Or, ce qui l'emporta loin,  
ce ne fut pas un cancer,  
mais des idées misérables  
arrêtées par le préfet.

Renvoyé à la frontière  
de famines étrangères,  
on l'a mis dans un avion,  
parce qu'il était sans papiers,  
et donc promis à l'exil,  
sans regret ni sans pitié.

Que deviendra son enfant ?  
L'un des nôtres, assurément ?